

INGERLATAQ MEEQQAT OQALLIFFIAT



**Eqqaamassavat illit nammineq
isummernissannut pisinnaatitaaf-
feqaravit, tusarneqarnissannullu
pisinnaatitaaffeqarlutit!**



Meeqqat Inuusuttullu Pillugit Ilisimasaqarfik

Videnscenter om børn og unge | Documentation Centre on Children and Youth

Boks 1290 | 3900 Nuuk | Telefon: +299 34 69 40 | E-mail: mipi@gh.gl | www.mipi.gl

Pilersaarut Meeqqat inuusuttullu ataatsimiititaliaat

Aallaqqaasiut

Meeqqat inuusuttullu imminnut tunngassuteqartunik aalajangiisoqassatillugu oqinnerusumik akuutinneqartalernissaat anguniarlugu Meeqqat inuusuttullu ataatsimiititaliaannik pilersitsinissaq MIPI-p sivirusumik kissaatigisaraa. Taamatut kissaateqarnermi meeqqat inuusuttullu atukkaminut tunngassuteqarsinnaasunik ataavartumik sunniuteqaqataasinnaalernissaannik periarfissarsiuussinissaq tunngaviuvoq. Siullertut pingaarnertullu meeqqat inuusuttullu pillugit meeqqat inuusuttullu ataatsimiititaliaassaannik pilersitsisoqarusuppoq. Siunissaq ungasinnerusoq eqqarsaatigalugu taamatut pilersitsinerup kingunerisaanik inuusuttut inuiaqatigiinni akuunerulersinneqarsinnaapput, soorluttaaq inuiaqatigiit aqqissuussaananerannik paasinninnerulersinneqarsinnaassallutik. Taakku saniatigut Naalagaaffiit Peqatigiit Meeqqat pillugit isumaqatigiissutaat naapertorlugu Kalaallit Nunaata meeqqat inuusuttullu sullinneqarnerini taakku isumaat tusarniaaffigisassallugit pisussaataavoq. Meeqqat inuusuttullu ataatsimiititaliaata pilersinneqarnerisigut inuusuttut isumaasa aalajangiisartunut saqqummiunneqartalernissaat aamma qulakkeerneqartussaassaaq.

Meeqqat pisinnaatitaaffii pillugit sullissivimmik aallarnisaanissamik eqqarsaasersornerit aallartimmatali meeqqat inuusuttullu ataatsimiititaliaannik pilersitsinissaq pimoorunniarneqalerpoq. Meeqqat inuusuttullu soqutigisaannik pisinnaatitaaffiinillu sullissinissamik siunertaqarnermi meeqqat inuusuttullu ataatsimiititaliaannik aamma sullissinissaq pissusissamisussaaq, taamaaliornikkummi meeqqat inuusuttullu sullinneqarnerini taakku sapinngisamik peqataatinneqartarnissaat anguneqarsinnaassammat.


Isumaginninnermut naalakkersuisoqarfiusimasup kajungissaarineratigut kiisalu tapersersuineratigut meeqqat inuusuttullu ataatsimiititaliaassaata siullertut eqqartortussaasimavaa meeqqat pisinnaatitaaffiinik sullissiviup Meeqqat sinnerlugit oqaaseqartartuunermik taaguuserneqarsinnaanera. MIPI-p siulersuisuisa 2. september 2010-imi ataatsimiinnerminni aalajangerpaat pilersaarut taanna pimoorullugu suliniutiginiarlugu. Pilersaarutip aningaasartassai december 2010-imi qulakkeerneqarput. Taassuma kinguninngua pilersaarut suliarineqarluni aallartippoq. Meeqqat sinnerlugit oqaaseqartartoq il.il. pillugit inatsisissatut siunnersuutit inatsisartut 2011-imi upernaakkut ataatsimiinneranni eqqartorneqartussanngorneri pivusorsioortuusimanngilaq; oqarluaannaraanni periarfissat killeqarsimapput - meeqqat inuusuttullu ataatsimiititaliaannik pilersitsiniarnermi meeqqanik inuusuttunillu ilaasortarineqartussanik toqqaaniarneq aamma aqqiissutaasinnaasunik pivusunngortitsiniarneq eqqarsaatigalugit piffissaritinneqartumiit sivirusunerusumik suliarineqarnissaat pisariaqarsimavoq. Inatsisartuni ilaasortat akissutit iluaqutigissappatigik inatsisissatut siunnersuutip oqallisigineqannginnerani soorunami tigusartussaassavaat.



Pilersaarut taamaattumik sukannernerusumik piffissaqarluni suliarineqartariaqalerpoq Inatsisartullu 2011-imi upernaakkut ataatsimiinnissaat angumeriniarsaralugu paasissutissanik katersinermi periuseq atorneqartoq nalilersorneqaqqittariaqarluni. Meeqqat inuusuttullu sullissivik pillugu isumaannik katersinissaq pingaarluinnartuusoq MIPI-p aamma IN-ip isumaqatigiissutigaa, sullissiviummi meeqqat inuusuttullu immikkut ittumik sullittussaammagit.

Pilersaarut aallartinneqarnermini taamaalilluni allaanerusumik anguniagaqarpoq. Aallartinermi meeqqat inuusuttullu ataatsimiititaliaannik pilersitsinissaq taassumalu Kalaallit Nunaanni meeqqat inuusuttullu inuunerinut ingerlaavartumik sunniuteqartartussaana anguniarneqaraluarpoq. Taamatut anguniagaqarnermi ataatsimiititaliami ilaasortassanik toqqartuinissaq piffissaq sivilisunerusoq atorlugu pisussaassaaq qularnanngitsumillu internet-i atorlugu siunertaq ilusilersorneqartussanngussalluni. Taamatut aqqissuusseriaaseq Kalaallit Nunaanni atugaanngilaq, taamaalillunilu naqqaniit taanna sanarfineqartussaassalluni. Pilersaarutip siunissaq qaninnerusoq eqqarsaatigalugu pisariaqartitanik tulluussaaniarlutik siulersuisut aalajangeraluartut MIPI-p Kalaallit Nunaanni meeqqat inuusuttullu ataatsimiititaliaannik pilersitsinissamik pilersaarutertik aalajangiusimavaa.

Pilersaarut piviusunngortinneqarami allanngortinneqarpoq; meeqqat inuusuttullu quliniit 25-inut ukiulinnik tamanik peqataaffigineqarsinnaasumik apersuisoqarpoq kiisalu apeqqutit akissutaat eqqaaneqareersut aallaavigalugit kommuneni sisamaasuneersunik, illoqarfinni nunaqarfinnilu immikkut toqqarneqartuneersunik, meeqqanik inuusuttunillu apersuisoqarpoq.



Periuseq

Meeqqat ukioqatigiikkuutaat attaveqarnerminni pisariaqartitaannut naleqqussakkanik immersugassanik sisamanik sakkortussisilikkanik suliaqartoqarpoq. Ilutigalugu meeqqat ukioqatigiikkuutaat assigiinngitsumik qisuariartarnerinik paasiniaasoqarluni. Immersugassaq A nukarlernut tulluussarneqarpoq tassanilu oqaatsit paasiuminarnerpaat atorneqarput. Immersugassaq B akullernut tulluussarneqarpoq sakkortunerulaarlunilu. Immersugassanik sisamaasunit taakkunannga sakkortunerpaaq immersugassatut taaneqarsinnaanngikkaluarpoq nammisorlunili akissuteqarfissatut taaneqarsinnaanerulluni; suliaqkiussanik aqqiissutaasinnaasunik akissuteqarfik tassani pineqarpoq. Pegataasut qisuariarnissaminnut periarfissaqarlutik itisiliisinnaallutillu.

Immersugassat klassikkuutaanut imaluunniit ukioqatigiikkuutaanut aalajangersimasunut tunniussinnaaqqullugit pilersarusiornermi pisortap sakkortussutsit A-mik, B-mik, C-mik aamma D-imik taaguusissallugit aalajangerpoq. Klassit ataasiakkaat atuagarsornikkut piginnaasaqarneri assigiinngitsorujussuusinnaasarmata taamatut aalajangertoqarpoq. Taamaalilluni peqataasut ilaasa klassinit minnerusunit paasineqarsinnaasutut apeqqutit sakkortussusilikkat paasisinnaannginnamikkik imminnut nalikinnerusutut misiginissaralui pinngitsoortinniarneqarput.

Taamatut aalajangernerup kingunerisaanik sakkortussusiliinermi aalajangeqqissaartumik imaluunniit aqqissuulluakkamik ukioqqortussutsinut agguataarilluni misissugassanik atuisoqanngilaq. Taamaattoarli immersugassat B aamma C ukioqatigiikkuutaanut aalajangersimakannersunut aqqaneq-marlunniit 18-inut ukiulinnut, pingaarnertut suliarneqarput. Eqimattat taakku amerlanerpaamik marlunnut avinneqarput. Taamaattoq anguniagaq naapertorlugu sulisoqarpoq; immersugassaq A nukarlernit quliniit aqqaneq-marlunnik ukiulinnit akissutininik immersorneqarpoq eqimattallu inuusuttunik arlaqanngitsunit inuttallit (18-iniit 25-inut ukiullit) namminersorluni akissuteqarfissaq D-mik taasaaq immersorsimavaat.



Pilersarusiornermi pisortaq nammineerluni oqarasuaatikkut atuarfeqarfiit tamaasa saaffiginniffigisimavai taassumalu saniatigut atuarfeqarfiit tamarmik pilersaarut aamma taassuma siunertaa pillugu paasissutissanik tigusaqarput kiisalu atuarfeqarfiit peqataatitaqarnerminni suliassaannik allaganngorlugu itisilerneqarsimasumik tigusaqarlutik. Pilersaarummi atortorineqartussat agguaaneri katersornerilu kiisalu immersorneqarsimasunik akissutininik MIPI-mut nassiussuinerit assersuutitut taaneqarsinnaapput. Taakku saniatigut trinlederit immersugassat/ akissuteqarfissat sorliit atuartunut ataasiakkaanut imaluunniit trininut sorlernut tulluuttuunersut aalajangiisartussaapput, taakkuummatami atuartuutimik oqaatsinik atuisinnaanerannik ilisimasaqarnerusut. Nammineerluni saaffiginninnermi attaveqatigiinnerup aallartinnissaa siunertaavoq; atuarfiup pisortaata pilersaarummut soqutiginnilernissaa taamaaliornikkut qulakkearniarneqarpoq tassanngaanniillu trinlederitut ilinniartitsisunullu soqutiginninnerup siaruaannissaa anguniagaalluni. Peqataasut tamarmik soqutiginnippasittorujussuurtut nipeqarput

peqataarusunnertillu oqaatigalugu taamaalillutillu pilersaarutip suliarineqarnerani atuartuutimik peqataanissaat periarfissarsiuullugu. Kalaallit Nunaanni meeqqat inuusuttullu sullisiviannik pilersitsiniarnermi sunniuteqaqataasinnaneri oqaloqatigiinnermi aamma pingaartinneqarpoq; pilersaarutip suliarineqarnissaanut soqutiginninnerulernermik tamanna kinguneqassagatinneqarpoq.

Meeqqat minnerit angajoqqaavinut saaffiginnittumik paasissutissiisummik aamma suliaqartoqarpoq kiisalu angajoqqaat meeqqamik peqataanissaannut akuersinerminnut uppersarsaallutik atsiugassaannik allakkiortoqarluni. Kingulleq taaneqartoq tassaavoq inatsisitigut eqqortumik suliniuteqarniarluni tunngaviusussaq, tassami MIPI-p akissutit kinaassusertaqanngitsunngortinniarlugit aalajangersimavaa. Taamaalilluni peqataasut aqqi imaluunniit paasissutissat taakkununga tunngasinnaasut tamarmik uannga nalunaarusiornermi ilisarineqarsinnaajunnaarniassammata. Taamaattorli angajoqqaat qitornamik pilersaarutip suliarineqarnerani peqataatinneqarnerinut akuersillutik atsiorneri atorlugit MIPI-p qulakkeerniarsimavaa peqataasut namminneq kiisalu taakku angajoqqaavisa misissuinerup siunertaanik paasinnissimanissaat.

MIPI-p paasissutissiinermini erseqqissaavoq immersugassat apeqqutit akissuteqarfigineqarnerini meeraq/inuusuttoq arlaatigut kanngutsaattuliorfigineqarluni imaluunniit inatsisinik unioqquitsiffiusumik iliuuseqarfigineqarluni paasissutissiisimassappat oqartussaasut tamakkuninnga sullissisartut eqqortumik attaveqarfigineqarumaartut. MIPI-p meeraq kinaluunniit artorsarluni inuusooq ilisimasaqarfigalugu iliuuseqanngitsoorsinnaanngitsutut misigisimarusunngilaq..

Misissueriaaseq

Immersukkat akissutitalit paasissutissiisutigineqartut MIPI-p allattoqarfianiipput.

Immersugassani akissuteqarfiusussani peqataasoq aperineqarpoq Meeqqat oqaaseqartartuanik pilersitsinissaq taassuma qanoq isumaqarfigineraa taassuma tulliatut meeqqat inuusuttullu meeqqat inuusuttullu sullissivissaanik peqartoqartariaqarnersoq pingaartinneraat isumasiuisoqarpoq. Meeqqat inuusuttullu namminneq isumartik naapertorlugu suut imminnut tunngassuteqartut malugineqarniarneqartariaqarnerinik pisariaqartitsinersut paasiniarlugu.

Kalaallit Nunaanni nuna tamakkerlugu siammasissumik najugaqartut sapinngisamik tamakkerniarsaralugit paasissutissanik katersisoqarpoq. Meeqqat inuusuttullu sumi najugaqarneri peqqutaallutik najugaqarfimminni atugaat assigiinngitsorujussuusinnaarsarput uagullu kissaatigisimavarput meeqqat inuusuttullu assigiinngitsunik atugaqarneri meeqqat pinsinnaatitaaffiiniq sullissivimmi sapinngisamik eqqarsaatigineqartarumaarnissaat.

Akissutit tiguneqartut tamarmik atuarnearput imminnut nallersuunneqarlutik immikkoortiterneqarlutillu imaluunniit qulequtsikkanut immikkoortiterneqarlutik; taamaaliornikkut peqataasimasut sunik eqqarsaasersorsimaneri paasiuminarsarniarneqarlutik.

Akissutit MIPI-mit tiguneqarsimasut ataatsimoortillugit uani nalunaarusiarineqarput. Taamatut aalajangernermi peqataasut kinaassusaannik isertuussinermik qulakkeerinninnissamik kissaateqarneq pingaarnarpaavoq. Taassuma saniatigut peqataasut naatsumik pingaarnertullu oqariartuutiginiagaannik paasiuminarsaalluni nalunaarusiornissaq qulakkeerusunneqarluni.

Suut qanoq pingaartiginersut imaluunniit piviusunngortinneqarsinnaanersut ataatsimut nalilersuinermit agguaqatigiissillugit imaluunniit procentinngorlugit nalilersorneqarput. Peqataasut apeqqut pillugu eqqaaqqaangaannik paasinnikkusukkatta oqaatsinik tulleribiaaqqissaarluni akissuteqartitsimanngilagut. Taamaaliornermi assigiiaartumik akissuteqartoqanngilaq. Apeqqutit immersugassartaanni oqaatsit atorineqartut taaneqareersuut aamma assigiiaanngillat; tamanna ukioqatigiikkuutaat assigiinngitsut attaveqatigiinnermik pisariaqartitaannik takussutaavoq. Taakku saniatigut akissutit ilaat eqimattakkuutaarluni akissuteqarfigineqarput ilaallu inuttut ataasiakkaatut akissuteqarfigineqarsimallutik.

Peqataasut soqutiginnillutik peqataasimanerminni suliap inerneranik paasitinneqarnissaat MIPI-mit pingaartinneqarpoq. Taamaattumik nalunaarusiaq "pixi-rapport"-imik taaguuserlugu allagartarsualerlugulu suliaqartoqassaaq taamatut suliaqarnermi meeqqat inuusuttullu siunertarineqassapput naammasseriarpatalu Kalaallit Nunaanni atuarfeqarfiit tamarmik taakkunannga nassiussiffigineqarumaarput. Peqataasimasut peqataaneri qujaffiutigalugit nalunaarusiaq pixi allagartarsuarlu atorlugit klassini imaluunniit meeqqat inuusuttullu akornanni qisuariaatinik saqqummertoqassajunnarsivoq, inuiaqatigiinni misissuinerlut peqataasarnissap qanoq pingaaruteqartiginera inuiaqatigiillu ingerlanneqarnerini sunik siunissami kissaateqarnertik oqariartuutigissallugu takutitseqataasinnaanertik takusinnaalissammasuk. Meeqqat inuusuttullu misissuiffigineqarnerminni akuttusoorujussuarmik paasisaasimasunik paasitinneqartarneri MIPI-p paasisimavaa tamannalu sumi arlaanni peqataanissaminnik piumaffigineqartillutik utertivigineqarneq ajoramik peqataajumanek ajornerannut peqqutaallu artarunarpog.



Unammilligassat

Akissutit utertinneqarfissaat ulloq kingulleq januar 2011-p naanerani aalajangiunneqartoq nallerluinnarmat MIPI-mit atuarfeqarfinni pisortat attaveqarfigineqaaqqippat akissutinillu nassiussuinissaannik nukingisaarisogarluni. Taamaaliorneq kinguneqarluarpoq; akissutit akuttugaluartumik tigooqqarneqalerput. Akissutit tigooqqarneqartut amigaataaneri peqqutigalugit MIPI-p nalunaarusiassaata inatsisartut upernaakkut 2011-imi ataatsimiinnissaannut angumeqqunnissaa qularnarsiartuaarpoq. Iluatitserujussuarnikkulli pilersaarut meeqqat oqariartortartuannik aamma meeqqat inuusuttullu ataatsimiititaliaannik il.il. inatsisissatut siunnersuutinngortinneqarpoq taannalu inatsisartut ukiakkut 2011-imi ataatsimiinnissaannut kinguartinneqarluni, taamaaliornerup kingunerisaanik akissutit naammaginartut pissarsiarineqarnissaannik qulakkeerinnittoqarpoq. MIPI-p siulersuisuisa aalajangerpaat pilersaarut illoqarfinni immikkut toqqartorneqartunut angallanneqassasoq najugaqarfinnilu taakkunani meeqqat inuusuttullu oqaloqatigineqarlutik isumaannik katersisoqassasoq. Nuna tamakkerlugu

akissutinin tiguisimanissaq qulakkeerniarlugu pilersaarutip pisortaata aamma pilersaarusionermit suleqataasup illoqarfiit imaluunniit najugaqarfiit akissutinin tigooqqaaffiunnginnerusut pingaarnersiorlugit misissuipput. Najugaqarfiit pineqartut tikinneqarsinnaaneri pilersaarusiallu aningaasaliissutaasa iluini angalasoqarsinnaanersaq pingaarnersiui nermit nalilersuisoqartariaqarsimavoq.

Pilersaarut Kujataanut angallanneqarpoq; Narsarsuarmi aamma Qaqortumi atuarfeqarfiit tikeraarneqarput. Soorlu aamma Nunatta kitaanut angallanneqarluni; Aasiannut, Ilulissanut aamma Upervavimmut tikeraartoqarpoq. Tunumut, Illoqqortoormiunut, angalanissaq aamma aqqissuunneqarpoq, ajoraluartumilli silap ajornera peqqutaalluni tamanna piviusunngortinneqanngilaq. Taamaalluni akissutit Tunumeersut Tasiilamit akissutinin annerusumik nalunaarusionermit atorineqartussanngorput.

Oqaaseq atorluarneqarsinnaasaq paasiuminartorlu kalaallisut oqaatsini sulit nassaassaannngimmat unammillernartuusimasaq paasinarsivoq. Nutsikkat kukkunerisiorlugit atuaqqissaarneqaraluartut nutserneqarsimasaq paatsorneqartarsimavoq. Allattoqarfik angajoqqaanit marlunnit attaveqarfigineqarpoq; taakku paasissutissiissutit arlalinnik apeqquaqarfigerusussimavaat.

Qisuariaatit

Meeqqat inuusuttullu inuiaqatigiinni eqqartorneqartut pillugit isummersinniarlugit ajornakusoorsimasaq paasinarsivoq; tamakkunannga eqqartuinissaq sungiusimaneqanngimmat. Sullissivik sulit pilersinneqarsimanngitsaq pillugu isummeqqusaagaangamik akissuteqarnissaat assut ingammik ajornakusoortarpoq, taamaattumillu allaaserinninnissaq imaluunniit paasinninnissaq ajornakusoorsinnaasarluni. Meeqqanik sullissivimmik erngerluni ilisarineqarsinnaasumik massakkut peqartoqanngilaq taamaallunilu tassunga nallersuisoqarsinnaanera killeqarluni. Meeqqat pisinnaatitaaffii aallaavigalugit sullissivik taamaalluni peqataasut ilaannut isummerfigiuminaatsorujussuusimavoq.

Issuaanerit:

- Meeqqat inuusuttullu oqaaseqartittagassaata meeqqat inuusuttullu pillugit misissugassarpassuaqassasoraara
- Meeqqat inuusuttullu pisinnaatitaaffiisa malittarisassartai qulakkeerniarneqalernerit isumassarsiatsialaasoraara
- Meeqqat najugaqarfii apeqquaatinnagit meeqqanik sullissiniarneq. Assersuutigalugu meeqqat illoqarfirmi najugallit imaluunniit nunaqarfirmi najugallit immikkoortinnagit sullissineq

Peqataasut imaalliallaannaq akissuteqartarnissaat MIPI-p aamma kissaatigaa, taamaalluni sullissivik pillugu ilinniartitsisunit imaluunniit paasissutissanit aallaaveqaratik meeqqanit aallaaveqarsinnaaniassammata. Taamaattumik paasissutissanik peqataasut paasisinnaasaannik ujartuinissaq anguniagaasimavoq taamaallutik qanoq aperineqarnertik paasisinnaaniassammassuk oqaasissiorneqaratillu akisinnaaniassammata.

Nammineq najuulluta apersuisimanerput imaluunniit immersugassamik nassiussilluni akissutini pisarsisimanerput akissuteqarnermi oqaasertarineqartunut pingaaruteqarsimaqisoq aamma maluginiarparput. Tamanna immi tupaallannarpallaangilaq; inuk ornigulluni allarluinnarmik sunniuteqartarpoq akissuteqarniarnermilu soqutiginninnerulersitsisarluni.

Peqataaneq

Akissutit immersugassanut sisamanik sakkortussisilikkanut agguataarneqarsimasut 414-it MIPI-p upernaap ingerlanerani tigusimavai. Akissutit ilaat eqimattanit suliarineqarsimapput. Eqimattami ataatsimi atuartunik pingasunik-sisamanik inuttaqartinneqartarsimapput. Eqimattat 158-it akissutaat tiguneqarput; tassa imaappoq meeqqat inuusuttullu 550-it missaat akissuteqaataat tiguneqarsimapput. Taakku saniatigut atuartut ataasiakkaarlutik akissutaat 256-it MIPI-p tigusimavai. Taamaalluni meeqqat inuusuttullu quliniit 25-inut ukiullit 800-it missaat misissuinermi peqataapput. Misissuinermi eqimattat pingaarnertut anguniarneqartut tassaapput meeqqat inuusuttullu aqqaneq-marlunniit 18-inut ukiullit akissutillu amerlanersaat eqimattamit tassanngaannerput. Taamaattoq pilersaarutip paasisutissartai inuusuttut ilinniarsiinut nassiussutissallugit aalajangersimavugut, eqimattap taassuma isumaanik ilanngusserusulluta. Tamatuma kinguneranik paasisutissat atuartunut 18-it sinnerlugit ukiulinnut agguanneqarsimapput akissutillu taakkunanga pisarsiarisimasatta mininneqarnissat tunngavissaqarsorinnginnatsigu ilannguppagut; taakkumi isumaat aamma pingaaruteqarlunnartuummata.



Nunami siammasissorujussuarmi, avannaani Upernavimmiit tunumi Tasiilamut, akissutiniq tigusaqarpugut. Ajorluartumilli Qaanaamit eqqaanillu akissutiniq tigusaqanngilagut, soorlu aamma illoqqortoormiunut tikeraarnissaraluarput ilap ajornera peqqutigalugu unitsiinnartariaqarsimagipput. Taamaattumik oqarsinnaavugut meeqqat inuusuttullu isorliunerusuni taakkunani najugallit ajorluartumik isummaminnik paasititsinngitsoorput. Nunalli sinnerani najugaqartunit akissutit ilaannut isumaqataasinnaassagunarput, taamaattorli namminneq isumaat tusarusunnaraluaqaat.

Misissuinermi illoqarfinni aamma nunaqarfinni najugallit peqataatitaqarsimasut allattaavimmi uani takuneqarsinnaavoq:

Illoqarfik/nunaqarfik	Kisimiilluni akissutit	Eqimattat akissutaat
Kullorssuaq	X	
Aappilattoq	X	
Upernavik		X
Uummannaq	X	
Ikerasak	X	
Ilulissat		X
Ilimanaq	X	
Aasiaat		X
Sisimiut	X	
Nuuk	X	X
Narsarsuaq		X
Qaqortoq		X
Nanortalik	X	
Tasiilaq	X	

Misissueqqissaarneq

Peqataasut tamangajammik misissuinerup allakkiarineqarnerata aallartinnerani apeqqut akeriaannaq taperserpaat; tassani meeqqat pisinnaatitaaffii pillugit sullissivimmik pilersitsinissap isumassarsiatsialaana qanoq isumaqarfigineqarnerisooq apeqqutigineqarpoq.

Akisoq ataaseq tapersiinnigilaq. Akissuteqartut sinnerisa akisarluni immersugassaq immersorusuppallaarnagu immersorsimagaat malunnarpoq, Kalaallit Nunaanni meeqqanut inuusuttunullu inuunerinut pingaaruteqaratarsinnaanera qisuariarfigineruinnarsimagaat malunnarluni. Apeqqutit sinneri akisimagaangamik oqaatsit ataasiakkaaginnat atorlugit akissuteqartarsimapput. Immersuiffissap ilusilersornerani imaluunniit nutserneqarnerani suna apeqqutigineqarnerisooq aamma taama akissuteqartarnerminni paasinngitsoorsimasinnaavaat, peqataasummi piginnaasai matumani pineqanngillat.

Taamaalilluta nalilersinnaalerparput Kalaallit Nunaanni meeqqat inuusuttullu amerlanersaasa meeqqat pisinnaatitaaffii pillugit sullissivimmik pilersitsinissaq tapersersoraat. Taamaattoq meeqqat inuusuttullu atugaasa pitsanngorsarneqarnissaat sullissivittaassap sammileriarpagit inuusuttut tassunga qanoq isumaqassanersut soqutiginaasaqaaq paasissallugu. Meeqqat pisinnaatitaaffii pillugit

sullissiviup suut suliarissanerai peqataasoq/ peqataasut aperineqaramik peqataasunit 414-iusunit 352-it akissuteqarput.

Qulequttat aalajangersimasut arfinillit akissuteqarfigineqarput. Qulequttat ima agguataarneqarput: Meeqqat inuusuttullu inuttut ajornartorsiutillit, Sunngiffimmi sammisassat, paasissutissat/ siunnersorneqarneq, pinaveersaartitsineq, ilinniagaqarneq aamma meeqqat inuusuttullu peqataatinneqarneri. Qulequttat immikkut ataani saqqummiunneqassapput, akissutit pingaarnersiorneqarneri malillugit.

Meeqqat inuusuttullu inuttut ajornartorsiutillit

Issuaanerit:

- Angajoqqaat amerlavallaartut imernertik peqqutigalugu meeqqatik isumassorsinnaaneq ajorpaat
- Meeqqat persuttaqqusaanngillat imaluunniit unataqqusaanngillat
- Meeqqat qaalerlutik nerisartussaapput oqortunillu atisaqartussaallutik
- Illoqarfinni minnerusuniittut amerlanertigut artorsarnerusarput

Peqataasut minnersaanut allaat "inuttut ajornartorsiutit"-nik taaguusiisimanerput ilisarinnissinnaaneri, oqaaseqarsinnaaneri unammilligassallu suut pineqarnersut ilisimasaqarfigigaat paasillugu eqqarsarnarpoq. Taamaattoq peqataasut minnerit amerlanersaasa sunngiffimmi sammisassat eqqartorneruvaat. Taamaattoq immersugassanik B-D-imik immersuisut akissuteqaataanni inuttut ajornartorsiutit immikkut erseqqilluinnartumik sammillugit akissuteqartarsimapput.

Oqaaseq taanna ajornarsiutit assigiinngitsorpassuit taaguutigisinnaasarmagit qulequttap taassuma meeqqanit inuusuttunillu erseqqissaaffigineqarnissaa pisariaqartissimavarput. Peqataasut minnersaasa meeqqat pisinnaatitaaffii pillugit sullissiviup meeqqanut naammattumik nerisassaqaarneq ajortunut ikiorsiisarnissaat pingaartillugu ilaatigut ima taaguusiipput: "meeqqat inuusuttullu nererusuttut" ikiortassavai. Meeqqat minnerit aamma akulliit inuttut unammillernarsinnaasut pillugit erseqqilluinnartumik oqaasertaliillutik akissuteqarput taakkulu isumaqarput inuttut ajornartorsiutillit aningaasanik amerlanerusunik ikiorserneqartariaqartut. Angajoqqaat atornerluinermik ajornartorsiuteqartut ikiorserneqartariaqarneri ilanngullugit eqqaavaat; tamatumalu takutippaa ajornartorsiutit qanoq ittorpiaat sumik peqquteqarsinnaanerinik meeqqat inuusuttullu ilisimasaqartuusut.

Angajulliit inuttut unammilligassaasinnaasunik oqaaseqarnerminni kikkunnit tamanit aqqusaarneqarsinnaasunik oqaaseqarput meeqqat inuusuttullu atugaat ataatsimoortillugit aamma oqaaseqarlutik. Meeqqat pisinnaatitaaffii pillugit sullissiviup meeqqat inuusuttullu pitsaasumik

toqqissisimallutillu peroriartornissaannik qulakkeerinneqataassasoq oqarput taamaalillutik pitsaasumik inuuneqarsinnaalersinneqassammata. Eqimattap taassuma toqqissisimaneq, aalajaatsuuneq, isumassuineq aamma akisussaafeqarneq pingaartittorujussuuvai. Angerlarsimaffimmi pissuserissaarfiusumi ataqqinniffiusumi, naammattunik nerisassaarfiusumi naammattumillu isumassuiffiusumi pitsaasumik peroriartortoqarsinnaanera taakkunannga aamma erseqqissarneqarpoq. Tassani eqimattamiittut isumaqatigiilluinnarlutik imigassamik allanillu aanngaajaarniutinin atornerluinerit navianartorsiorfiusartut erseqqissaassutigineqarportaaq.

Ataatsimut oqaatigissagaanni peqataasut amerlanersaasa meeqqat pisinnaatitaaffii pillugit sullissiviup meeqqat inuusuttullu inuttut ajornartorsiuttaannik suliaqartarnissaa pingaartippaat. Meeqqat inuusuttullu ajornartorsiutinin makkunannga taakkartuipput:

- Imigassap atornerluinerullu kinguneri
- Aningaasaqarnikkut ajornartorsiorneq – meeqqat inuusuttullu nererusuttut
- Peroriartornermi toqqissivissaaleqineq, isumassorneqannginneq, aalajaassusermik amigaateqarneq aamma ataqqineqannginneq

Sunngiffimmi sammisassat

Issuaanerit

- Meeqqat ilaat atuareeraangamik susassaaleqisarput, klubbimik sanasoqartuuppat susassaaleqisarunnaassagaluarput. Klubbimut iserneq akeqanngitsoq peqqinnartunillu nerisassarsisinnaaneq
- Meeqqat inuusuttullu aalajangersimasumik ornittagaqannginnamik aserorterisarput; susassaaleqilersarput soqutigisaaruttarlutillu. Nuannisarniaraanni timersorneq kisimi aaqqiissutaasinnaannginnami
- Nuuk Sisimiullu kisimik naluttarfeqartariaqanngillat
- Atuareeraangatta susassaaleqisarpugut ornittagassatsinnillu amigaateqartarluta


Ukioqatigiikkuutaat tamarmik sunngiffimmi sammisassaaleqisarnertik oqariartuutigaat. Ornittagassaminnik amigaateqarnertik atuareernerullu kingorna susassaaleqisarnertik erseqqissarpaat. Ataasiakkaat inuttut artorsaateqarnermut tamakku ilaatigut attuumassuteqarnerarpaat. Illoqarfiit tamarmik ornissinnaasamik klubbeqartariaqarnerannik siunnersuuteqarput tassanilu peqqinnartunik nerisassarsisinnaanissartik aamma siunnersuutigalugu.

Oqariartuut erseqqilluinnarpoq paatsuugassaaninilu: meeqqat inuusuttullu sunngiffimini peqqinnartunik nuannersunillu sammisassatik maqaasivaat, pitsaasorpassuarnillu aalajangersimasunik kissaatiminnik siunnersuuteqarlutik. Akissutit aallaavigalugit kissaatit

allattorsimaffiat takussutissanngorlugit ilanngunneqarpoq, suliniutaasinnaasunut isumassarsiorfiusinnaassagunarpoq.

Akissutini siammasissorujussuarmik aamma isumaqatigiissutaavoq illup iluani aamma silami sunngiffimmi sammisassanik amigaaqartut, soorlu makkunannga:

- Klubbi, filmertarfik, naluttarfik, illu assiliinermik/ filmiliornermik/ nipilersornermillu suliaqarfiusinnaasoq aamma timersornermi atugarisat
- Pinnguartarfiit, timersorfiusinnaasut, pississarfiit (trampolin-it) histertarfiit il.il.



Paasissutissat aamma siunnersorneqarneq

Issuaanerit:

- Meeqqat pisinnaatitaaffii pillugit paasititsiniaasoqartariaqarpoq
- Siunnersuisinnaasoqartariaqarpoq; soorlu tarnip pissusaanik immikkut ilisimasallit, meeqqat, ilinniartitsisut, angajoqqaat imaluunniit inersimasut meeqqanik inuusuttunillu sullinneqarneranni misilittagalinnik. Suleqatigiittoqarsinnaasariaqarpoq, isumaqatigiissinnaasariaqarput pilersaarullu pitsanngorsarniarlugu assigiinngitsorpassuit eqqartorneqarsinnaallutik
- Paasititsiniaanerit amerlanerusut. Suut tamarmik ajussagalarput malittarisassaqaanngitsuuppat

Peqataasut amerlangaatsiartut meeqqat inuusuttullu pisinnaatitaaffiinik periarfissaanillu pitsaanerusumik siunnersuisoqarnerunissaanik paasissutissiisoqartarnissaannillu taamaalillutik kissaateqarput. Nukarliit erseqqissaapput oqarlutik meeqqat malittarisassat pillugit ilinniartitaanissartik pisariaqartittaraat, immersugassamik B-imik aamma C-imik immersuillutik

akissuteqarsimasut meeqqat pisinnaatitaaffiisa erseqqinnerunissaat oqariartuutigigaat. Ataasiakkaallu meeqqat persuttarneqartannginnissartik unatarneqartannginnissartillu pisinnaatitaaffigalugu ilisimasariaqaraat erseqqissaassutigaa. Inuttut ajornartorsiutaasinnaasut arlallit pillugit paasissutissiisarnissaq pisariaqartinneqartoq uani aamma erseqqissarneqarpoq; peqataasut ilaasa maluginiarsimavaat angajoqqaat ilaasa meeqqatik paarissallugit ajornakusoortittaraat assersuutigalugu arlaannik atornerluisuusaramik. Taamaattumik inuiaqatigiit meeqqat inuusuttullu toqqissisimasumik peroriartorsinnaatitaaneri qulakkeertariaqarpaat.

Peqataasut arlallit meeqqat pisinnaatitaaffeqarnerinik ilisimasaqarneri paasillugu nuannersuuvoq taakkuninngalu paasisimasaqartariaqarnertik paasinnerusussuseqarnertillu oqariartuutigalugu. MIPI-p ICC Greenland suleqatigalugu meeqqanut atuakkiassamik pilersaarusiuleruttorpoq; tassani Naalagaaffiit Peqatigiit meeqqat pisinnaatitaaffii pillugit isumaqatigiissutaata paragraffitai meeqqanit paasinartunngorlugit oqaasertalersorneqarnissaat siunertarineqarpoq, taamaaliortoqarpat meeqqat inuusuttullu namminneq pisinnaatitaaffitik ilisimasaqarfiginerulersinnaalissavaat. Pilersaarut taanna 2012-mi naammassissagatinneqarpoq meeqqanullu atuakkiaq naammasseriigaq ilinniartitsisunut ilitsersuutitalerlugu Kalaallit Nunaanni atuarfeqarfinnut tamanut nassiusuuneqarumaarpoq. MIPI isumaqarpoq meeqqat inuusuttullu pisinnaatitaaffimminnik ilisimannittariaqarnerat pingaaruteqartuusog, taamatummi ilisimasaqarnerup kingunerisinnaammagu meeqqat inuusuttullu namminneq atukkamik nukittorsarneqarnissaannut imaluunniit siuarsarneqarnissaannut suliniarnermi peqataalernerannik. Pisinnaatitaaffiit ilisimasaqarfiginerisigut nukittorsaanissaq anguniarlugu angajoqqaanit allaanerusumik immaqa pingaarnersiueqataasinnaalissapput.

Peqataasut minnerni ingammik paasissutissiinerunissaq siunnersuinerunissarlugu pisariaqartinneqartoq akissutini ersepoq. Peqataasut anginerit paasissutissanik aalajangersimasunik ilisimasariaqakkaminnik ujartuisinnaanerorpasipput. Taamaattumik peqataasut anginerit paasissutissinneqarnissamik siunnersorneqarnissamillu pisariaqartitsineri nukarlertuulli inngilaq.

Akissutit naapertorlugit makku pisariaqartinneqarput:

- Meeqqat inuusuttullu pisinnaatitaaffiini paasissutissiisoqarnerunissaa aamma siunnersuisoqarnerunissaa
- Meeqqat inuusuttullu pisinnaatitaaffiisa malittarisassartaanik qulakkeerinninnissaq



Pinaveersaartitsineq


Issuaanerit:

- Ajornartorsiutit nipituumik eqqartorlugit
- Ilinniartitaaneq aamma peqqinnissaq Kalaallit Nunaanni siunissami pingaaruteqartorujussuussapput
- Imigassamik aanngaajaarniutinillu atornerluineq millisissallugu
- Atuarfimmi pitsaanerusunik nerisaqartitaaneq

Peqataasut akulliit meeqqat pisinnaatitaaffii pillugit sullissivissap pinaveersaartitsineq immikkut suliaqarfigissagaa pingaartillugu taavaat. Nukarliit pinaveersaartitsineq suliniuteqarfissatut taanngilaat; akissuteqarnerminni imaluunniit qisuariarnerminni pisariaqartitatik aallaavigalugit aqunneqarnissartik pisariaqartinnerunnguatsiaramikku. Angajulliit pingaarnersiuiernerminni ilimagisamit allaanerusumik allanik peqquteqarlutik pinaveersaartitsineq pingaarnersiuiiffigaat. Paasissutissat pisariaqarsorisatik namminneq ugartortarpasippaat eqqartukkallu aalajangersimasut namminneq isummerfigisarlugit.

Pinaveersaartitsinerup iluani immikkut eqqartukkat marluk inuusuttut eqqarsaatersuutigisaraat taakku akissutaanni ersersinneqarput:

- Atornerluinermik ajornartorsiuteqarnerup pinaveersimatinneqarnissaa – assersuutigalugu imigassamik allanillu aanngaajaarniutinik
- Meeqqat peqqinnissaannik qulakkeerinninneq – assersuutigalugu pitsaanerusumik atuarfimmi nerisaqartitsinikkut
- Qinnagsaarisarnerup akiorniarneqarnera



Ilinniartitaaneq

Issuaanerit:

- Atuarfik oquiarlugu assigisaannillu aaqqissuuteqqillugu
- Atuartitaaneq pitsaanerusoq
- Atuarfimmi nerisaqarnerup aallartinneqara imaluunniit atuarfimmi nerisassat pitsaanerusut

Qulequtaq ilinniartitaaneq paarlattuanik isumaqarfigineqarpoq. Peqataasut angajulliit ilinniartitaanerup immikkut ittumik pingaarnertutinneqarnissaanik pisariaqartitsillutik oqariartuuteqarput. Tamanna immi tupinnarpallaanngilaq, inuunerminnimi ikaarsaariarfimmut nutaamut appakaatileramik. Peqataasut nukarliit meeqqat atuarianni ukiorpaaluit sulit atuartaasapput siunissarlut pillugu sulit eqqassuuteqaratik.

Peqataasuni angajulliit eqimattat inuttakittunnguit taakkua immikkut ittumik taassuminnga aamma pingaartitsinngillat. Ilinniaqqiffissaminnik toqqaareersimanerat taassuminngalu pingaaruteqarunnaareersutut isiginninnerat tamatuminnnga peqquteqaratarsinnaavoq. Inuusuttut meeqqat atuarianni ukiuni atuariusuni kingullerni atuarnerminni siunissami kissaatigisatik periarfissatilli oqaasertalersussallugit piumaffigineqarnerusarput.

Meeqqat nunaqarfinni najugalit meeqqanit illoqarfinni najugalinnit ilinniaqqiffissaat killeqartut taamaattoq maluginiaqquneqarpoq, tunngaviusumik ilinniarnissaminnut periarfissaat amigaataakkajuttarmat. Taamaallutik ilinniaqqinnerminni ilinniakkamik naammassinissaa ajornakusoortittarpaat inersimasunngornerminnilu namminneq inuunerminni atugarisassatik pitsanngorsassallugit killeqartitsilersinnaasarlutik. Inuiaqatigiinni eqimattat taakku ilaatinnaasat pingaaruteqarpoq Kalaallit Nunaannilu meeqqat inuusuttullu allat periarfissaasa assiginik qulakkeerussunneqarnissaat aamma pingaaruteqarluni.

Inuusuttut akissuteqarnerminni ilinniartitaanerup iluani makku suliniutigineqartariaqarnerinik oqariartuuteqarput:

- Pitsaanerusumik ilinniartinneqarsinnaaneq
- Inuusuttut ilinniaqqinnissaannut kajungissaarineq aamma ilitsersuineq
- Ilinniarfeqarfinni ilinniartitsisut piginnaasaqarluartut

Aalajangiisoqassatillugu peqataatitaasarneq

Issuaanerit:

- Nunarsuup immikkortortaani najugaqarfitsinni meeqqat inuusuttullu oqaasissaqartitaarpianngillat, naak ulluinnarni pisariaqartitativit suunersut namminneq ilisimasaqarfiginerpaangaluarlugit
- Meeqqat aalajangertarnerinut inersimasut oqartussaasarni ajorluinnarpoq – soorlu uagut aalisakkat guldfisk-it toqugaangamik anartarfikkut kuutsiinnariaasut!
- Misilillugu meeqqat tusarnaarsigik!! Inuusuttuaraaneranni isiginngitsuusaarunnarlugit tusaanngitsuusaarunnaarlugillu tusarnaarniarsigik

Peqataasut meeqqat inuusuttullu pillugit aalajangiinerni sunniuteqaqataatinneqartarnissartik ujjartorpaat. Meeqqat inuusuttullu tusarneqarneq ajortut akissutini erseqqissarneqarpoq aalajangiisoqassatillugulu soqutigisatit kissaatitillu apeqqutigineqarneq ajortut aamma oqaluttuaraat.

Peqataasut anginerit ingammik erseqqissarpaat naalakkersuinikkut aalajangiisoqassatillugu inuusuttut peqataatinneqartariaqarneri taamaalillutillu namminneq inuunermi atukkaminut sunneeqaatinneqartarnissaat pisariaqartinneqartoq. Peqataasut angajullit inuusuttut namminneq naalakkersuinnermillu suliaqartut oqartussallu allat pitsaaneruseqarfigit attaveqaqatigiittarnissaat aamma kissaatigaat.

MIPI-p neriutiga naalakkersuinnermik suliaqartut kissaammik taassuminnga; tassa inuusuttut oqartussallu akornanni aqqissuusaaneruseqarfigit attaveqaqatigiittarnissamik kissaatiminnik, maluginiagaqarumaartut iliuuseqarfigalugulu. Aalajangeeriaatsini inuusuttut peqataatinneqartarnissaat pitsaalluinnartuussaaq ilutigisaanillu inuiaqatigiinni pissutsinut inuusuttut soqutigininnerulersinneqarsinnaassallutik piffissammi ingerlanerani namminneq akissuusaaffigiartuaalersussaavaat. Peqataasut tamarmik uannga akissuteqarnerminni namminneq soqutigisaminnik kissaatiminnillu oqariartorfiusinnaasumik tusaasinnaasumillu amigaaqatigiittarnertik isumaqatigiillutik erseqqissarpaat.

Ataatsimut oqaatigalugu meeqqat inuusuttullu inuiaqatigiinni peqataatinneqartarnissaat pineqarpoq ataatsimoornermillu peqataatinneqarnermikkut soqutiginnersinneqarnissaat aamma pineqarluni. Nammineq soqutigisat tusaaneqanngikkaangata imaluunniit soqutigineqanngikkaangata peqataatitaalluni misigisimaneq ajornakusoorsinnaasarpaq.

Peqataasut kissaataat naatsunngorlugit imaapput:

- Tusarneqarusupput – meeqqat inuusuttullu pisariaqartitaannik soqutigisaannillu inersimasut soqutigininnerusariaqarput
- Aalajangiisoqassatillugu peqataatitaasarneq

- Naalakkersuineramik suliaqartut/oqartussat inuusuttullu namminneq akornanni pitsaanerusumik aqqissuussaannerusumillu ataveqaaqatigiittarnissaq kissaatigineqarpoq.
- Allattukkami ataaniittumi inuusuttut akissutaat aallavigalugit pingaarnersiukkat suuneri takuneqarsinnaapput.

Immikkoortoq	Sakkortussuseq	Amerlassutsit	%	Sakkortussutsit tamaasa immikkoortukkuutaarlugit procentinngorneri
Inuttut ajornartorsiutit	A	6	11,4 %	
Inuttut ajornartorsiutit	B	53	36,8 %	
Inuttut ajornartorsiutit	C	31	21,4 %	
Inuttut ajornartorsiutit	D	4	36,4 %	
Katillugit		94		26,4 %
Sunngiffimmi sammisassat	A	32	61,5 %	
Sunngiffimmi sammisassat	B	22	15,3 %	
Sunngiffimmi sammisassat	C	10	6,9 %	
Sunngiffimmi sammisassat	D	3	27,3 %	
Katillugit		67		19,0 %
Paasissutissiineq aamma siunnersuineq	A	8	15,4 %	
Paasissutissiineq aamma siunnersuineq	B	18	9,7 %	
Paasissutissiineq aamma siunnersuineq	C	6	4,1 %	
Paasissutissiineq aamma siunnersuineq	D	0	0 %	
Katillugit		32		9,1 %
Pinaveersartitsineq	A	0	0 %	
Pinaveersartitsineq	B	18	12,5 %	
Pinaveersartitsineq	C	9	6,2 %	
Pinaveersartitsineq	D	0	0 %	
Katillugit		27		7,7 %
Ilinniartitaaneq	A	0	0 %	
Ilinniartitaaneq	B	8	5,5 %	
Ilinniartitaaneq	C	16	11 %	
Ilinniartitaaneq	D	0	0 %	
Katillugit		24		6,8 %
Aalajangiisoqassatillugu peqataatitaasaneq	A	1	1,9 %	
Aalajangiisoqassatillugu peqataatitaasaneq	B	11	7,6 %	
Aalajangiisoqassatillugu peqataatitaasaneq	C	6	4,1 %	
Aalajangiisoqassatillugu peqataatitaasaneq	D	3	27,3 %	
Katillugit		21		6,0 %

Qulequttat allanut naleqqiussuunneqarsinnaammata imaaliillaannarlu akineqarsinnaammata toqqarneqarsimapput. Soorlu assersuutigalugu imaaliillaannaq akissut ataaseq taaneqarsinnaasoq tassaavoq illoqarfimmi aamma nunaqarfimmi najugaqarneq assigiinngissuteqareersoq aallaavigalugu akisoqartariaarullugu qulequttamik toqqaasoqarpoq. Piginnaasanik imaluunniit sinnattunik piviusunngortitsiniarluni suliniuteqarnissamut pissutsit piviusut naapertorlugit atukkat periarfissallu assigiinngillat, tamannalumi pisinnaatitaaffigigaluaaraat soorunami ajornartorsiutaasarpog. Taamaattumik akissut ataasiinnaagaluartog pineqartumut attuumassuteqarluinnartuusarpog taamaattumillu taaneqartariaqartarluni.

Allat maluginiarsimavaat atuarfitsik aserfallassimasog aaqqissorneqarnissaminillu pisariaqartitsisog. Atuarfiit meeqqat inuusuttullu sulliviisut isigineqartariaqarput, taamaattumillu inersimasut sullivimminni avatangiisaannut piumasaqaatit assigalugit pitsaassuseqartinneqartariaqarlutik. Kalaallit Nunaanni atuarfippassuit ajoraluartumik aaqqissuussiffigineqarujussuarnissaminnik imaluunniit nutarterneqarnissaminnik pisariaqartitsipput taamaakkamik atuartut pitsaasuni ilusilersorluakkanilu avatangiiseqarlutik ilinniartinneqarnissaminnik neqeroorfigineqarsinnaanngillat.

Inuusuttut namminneq aamma erseqqissarpaat meeqqanik inuusuttunillu sullissisut taamatut sullississagunik piginnaasaat pitsaanngorsartariaqartut. Tamanna tusaanngitsuusaarneqarsinnaanngilaq tassami meeqqat inuusuttullu namminneq pitsaassusilimmik inuunerissaarnissaat, ilinniakkaminnik aallussilluarnissaat imaluunniit meeqqap inuusuttulluunniit pisariaqartitaannik sullissisumik akisussaaffigigaat naammassinneqataasusassullu malugisinnaasarpaat, tamatigullu sullissisut piginnaasaasa taakku tamakkerlugit piginnaasaqarfiginngikkaat malugisimallugit. Ajornartorsiut taanna qangali ilisimaneqarpoq aamma meeqqanik inuusuttunillu sullissisut piginnaasaasa siammasinnerusumik pitsaanngorsarneqarnissaat siunissami iliuuseqartoqarumaartoq MIPI-p neriutigaa.

Naggasiilluni oqaaseqarneq

Misissuinermi uani meeqqat inuusuttullu pisariaqartitaminnik oqariartuuteqallaqqissusaat aperineqaannarlutillu ajornartorsiutinik tikkuartuillaqqissusaat paasinarsivoq. MIPI isumaqarpoq meeqqat inuusuttullu arlaannik aalajangiisoqassatillugu peqataatinneqartarnissaat pissuserissaarnerussasoq. Misissuinermi uani peqataasut suliani imminnut attuumassuteqarsinnaasuni tusaaneqarnerunissartik sakkortunerpaamik oqariartuutigaat. Meeqqat inuusuttullu pillugit aalajangersaasoqartillugu taakkunannga peqataatitsisarneq ilanngunneqartariaqarpoq. Tamanna assersuutigalugu meeqqat inuusuttullu siunnersuisooqatigiivini pilersitsinnikkut anguneqarsinnaavoq; tassani ilaasortassat Kalaallit Nunaanni meeqqat inuusuttullu sinniisorisinnaavaat. Meeqqat inuusuttullu isumaat taamaalillutik aaqquissuussaasumik tamanit takuneqarsinnaalersinneqassapput.

Qulequttat arfineq-marluk akissuteqarnerup kingorna pilersinneqarput, tamatumalu meeqqat inuusuttullu sullinneqarnissaminnik pisariaqartitsinerattut isigineqartariaqarpoq. Taamaattumik erseqqissaassutigineqassaaq taamatut suliniarnermut aningaasanik amerlangaatsiartunik immikkoortitsinissaq pisariaqassasoq. Misissuineq una meeqqat inuusuttullu namminneq pingaartumik allattuiffiatullusooq isigineqarsinnaavoq.

Kalaallit Nunaanni meeqqat inuusuttullu apersorneqarlutik misissuiffigineqarneri tusaatissatut tiguneqarumaartoq MIPI-p neriuutigaa, taamaaliornikkut meeqqat inuusuttullu pisinnaatitaaffiinnik sullissivissap ingerlaavartumik sanarfineqarnerani meeqqat inuusuttullu pisariaqartitamittut kissaatimittullu oqariartuutaat aamma aallavigalugit sulisoqarsinnaalerniassammat. Meeqqat inuusuttullu sullissiviup taassuma pisinnaatitaaffitik soqutigisatillu aallaavigalugit sullissisussap pilersinniarneqarnerani sunneeqataasimasutut misigisimanissaat immikkut ittumik meeqqanut inuusuttunullu nuannersuussaaq. Taamaangippat inersimasut isumassarsiaat malillugu sullissiviliortoqarsimasooq meeqqat inuusuttullu attuumassuteqarfiginngisaanningaasiit taakkununga misinnassagami.

Naggasiilluta meerarpassuit inuusuttorpassuillu pilersaarummi uani peqataasimasut qujaffigerujussuarusuppagut.



Ilanngussaq 1

Kalaallit Nunaanni meeqqat inuusuttullu kissaataat, tulleriiaarneri apeqqutaatinngit:

- Klubbi
- Sisorartarfimmi majuartaat
- Naluttarfik
- Filmertarfik
- Timersortarfiit
- Pinnguartarfiit
- Ornittagaq
- Arsaaffik ivigaasalik
- Tivoli
- Nipilersortarfik
- Trampolin
- Hestertarfik
- Qitittarfik
- Isiginnaartitsivik
- Filmiliornermik ilinniarfik